

KONFERENCIJA PREDSEDNIKA PARLAMENTA SEEC

SEDMA KONFERENCIJA

Jačanje ključne uloge regionalne parlamentarne saradnje u Jugoistočnoj Evropi

Sofija, 13. – 15. april 2008.

ZAVRŠNA DEKLARACIJA

Mi, predsjednici parlamenata država učesnica u Procesu saradnje u Jugoistočnoj Evropi (SEEC): Georgi Pirinski, Milorad Živković, Luka Bebić, Ljubiša Georgievski, Dimitrios Sioufas, Marian Lupu, potpredsjednici Rifat Rastoder, Norica Nicolai, Miloljub Albijanić, Guldal Mumcu i član Predstavničkog doma George Baesu, koji su se sastali u Sofiji 14. aprila 2008,

zajedno sa specijalnim gostima: France Cukjati, Hidajet Bišćević, Metin Kazak, Jordan Tzonev, Marijana Grandits i Franklin De Vrieze,

Naglašavajući vrijednost i prednosti SEEC-a kao procesa koji je pokrenula i razvila sama regija;

Potvrđujući našu posvećenost principima dobrosusjedskih odnosa, stabilnosti, sigurnosti i saradnje, koji su zajamčeni u osnovnim dokumentima SEEC-a i potvrđeni na ranijim konferencijama predsjednika parlamenata SEEC-a;

Podsjećajući na značajne zaključke Završne deklaracije Šeste konferencije predsjedavajućih parlamenata SEEC-a, održane u Zagrebu u aprilu 2007, i

na njenu ulogu u davanju poticaja procesima regionalne parlamentarne saradnje;

Izražavajući naše uvjerenje da SEECP može s uspjehom da nastavi doprinositi ispunjenju evroatlantskih i/ili evropskih težnji zemalja regije;

Naglašavajući značaj potvrđivanja u sadašnjem trenutku evropske perspektive zemalja Jugoistočne Evrope, uključujući zemlje Zapadnog Balkana, na osnovu revidirane Solunske agende;

Izjavljujemo sljedeće:

1. Naglašavamo, posebno u svjetlu nedavnih dešavanja u regiji, potrebu za jačanjem parlamentarne saradnje, koja doprinosi prevazilaženju teškoća s kojima se regija suočava. U tom pogledu, uprkos raznolikosti pristupa među državama učesnicama u SEECP, ostajemo snažno angažirani u daljem razvoju regionalne saradnje, koja je u dugoročnom interesu naroda zemalja Jugoistočne Evrope, regije u cjelini i njene evropske perspective.

2. Ističemo potrebu za promoviranjem dobrosusjedskih odnosa i pronalaženjem međusobno prihvatljivih rješenja za aktuelna pitanja među zemljama u regiji;

3. Izražavamo zahvalnost za snažnu stalnu podršku iz Evropskog parlamenta, Evropske komisije i država članica Evropske unije regionalnoj saradnji u Jugoistočnoj Evropi;

4. Izražavamo pohvale postignućima Pakta stabilnosti za Jugoistočnu Evropu i njegovom doprinosu miru, stabilnosti, sigurnosti i saradnji u Jugoistočnoj Evropi i naglašavamo neophodnost da se sačuva i dalje razvija značajno pozitivno nasljeđe Pakta stabilnosti, uključujući oblast parlamentarne saradnje, putem kreativnih inovativnih regionalnih pristupa država učesnica u SEECP-u i njihovih parlamenata / domova;

5. Posebno ističemo da je regionalna saradnja u Jugoistočnoj Evropi ušla u novu fazu s gašenjem Pakta stabilnosti i s pokretanjem Vijeća za regionalnu saradnju, koje vodi sama regija, a to se desilo na Završnom sastanku Regionalnog stola Pakta stabilnosti / Inauguralnom sastanku Vijeća za regionalnu saradnju 27. februara 2008. u Sofiji;

6. Izražavamo podršku Vijeću za regionalnu saradnju u Sarajevu i radnim grupama i inicijativama pod njegovim pokroviteljstvom, i ohrabrujemo ih da se, u skladu sa Statutom Vijeća za regionalnu saradnju, fokusiraju na uravnotežen način na sve prioritetne oblasti za saradnju, uzimajući u obzir ključni značaj dimenzije parlamentarne saradnje;

7. Naglašavamo da u kontekstu ovih dešavanja saradnja između parlamenata / domova u okviru SEECP-a dobiva novi značaj u skladu s njenom ključnom ulogom za različite oblasti regionalne saradnje i u skladu sa SEECP-om kao istinskim glasom regije i vodećim političkim formatom za saradnju između zemalja Jugoistočne Evrope;

8. Pozdravljamo, u skladu s odlukom Šeste konferencije predsjedavajućih parlamenata SEECP-a, imenovanje Narodne skupštine Republike Bugarske kao sjedište Regionalnog sekretarijata za parlamentarnu saradnju u Jugoistočnoj Evropi (RSPC SEE), ohrabrujuće pripremne korake Regionalnog sekretarijata i perspektive za praktičnu saradnju istaknute u Planu rada, koji je uspješno izrađen zajedničkim trudom državnih parlamenata / domova i multilateralnih institucija;

9. Slažemo se da treba održati zamah transformacije i da Vijeće za regionalnu saradnju i Regionalni sekretarijat za parlamentarnu saradnju u Jugoistočnoj Evropi treba na vrijeme da budu u potpunosti operativni;

10. Ističemo značaj održavanja stalne funkcionalne veze između Vijeća za regionalnu saradnju i Regionalnog sekretarijata za parlamentarnu saradnju i pozivamo Vijeće za regionalnu saradnju da stalno ima barem jednog člana svog osoblja čiji će poseban zadatak biti da prati i podržava regionalnu parlamentarnu saradnju i da bude veza za Regionalnim sekretarijatom za parlamentarnu saradnju

11. Pozdravljamo imenovanje koordinatora za regionalnu parlamentarnu saradnju kao osoba za kontakt u parlamentima / domovima država učesnica u SEECP-u i cijenimo njihov rad na postizanju zajedničkih stavova o značajnim stvarima parlamentarne saradnje u našoj regiji;

12. Potvrđujemo našu obavezu da podržavamo Regionalni sekretarijat za parlamentarnu saradnju kao mjesto za informiranje, saradnju i razmjenu mišljenja o praktičnim inicijativama parlamenata / domova SEECP-a;

13. Naglašavamo značaj potpisivanja Memoranduma o razumijevanju o međuparlamentarnoj saradnji u Jugoistočnoj Evropi na ovoj, Sedmoj konferenciji predsjednika parlamenata SEECP-a u Sofiji kao osnove parlamentarne saradnje u regiji i aktivnosti Regionalnog sekretarijata za parlamentarnu saradnju.

14. Naglašavamo da je jedan od glavnih ciljeva međuparlamentarne saradnje u Jugoistočnoj Evropi pružanje podrške politikama vlada u cilju jačanja saradnje na međuvladinom nivou.

15. Potvrđujemo značajnu ulogu koju informacijska i komunikacijska tehnologija ima u podršci vrijednostima demokratskih parlamenata – zastupljenosti, transparentnosti, pristupačnosti, odgovornosti i efikasnosti – koje su navedene u Svjetskom izvještaju o e-parlamentu 2008, koji su pripremili UN, Interparlamentarna unija i Globalni centar za ICT u parlamentu. Uzimajući u obzir preporuke Izvještaja, izražavamo spremnost da saradujemo na regionalnom nivou u toj oblasti kako bismo maksimalno iskoristili koristi zajedničkog pristupa inovacijama, uz podršku Regionalnog sekretarijata za parlamentarnu saradnju i Globalnog centra za ICT u parlamentu.

16. Cijenimo doprinos međunarodne zajednice parlamentarnoj saradnji u Jugoistočnoj Evropi i izražavamo nadu da će ona nastaviti da pruža adekvatnu političku, tehničku i finansijsku podršku.

Usvojeno u Sofiji 14. aprila 2008.